

Administrativt svar på høyring «Bedre polititjenester og beredskap»

Bakgrunn for saka:

Justis og beredskapsdepartementet sendte i februar 2022 brev til kommunane med ynskje om svar på ein del spørsmål knytt til vurderingar rundt ynskje om betre polititjenester og beredskap. I høyringsskrivet vert det vist til at det i Hurdalsplattformen går fram at Regjeringa vil opprette polititjenestestader i dialog med kommunane og politidistrikta på stader der det er eit lokalt ønske om det, og geografiske faktorar eller kriminalitetsbildet tilseier at det bør verte oppretta. Det er sagt at det skal opprettast 20 nye tenestestader, og arbeidet skal starte i 2022. For at desse nye tenestestadene skal lokaliserast der behovet er størst, ber regjeringa om innspel frå kommunane.

Kommunane sin frist for å komme med innspel til Justis- og Beredskapsdepartementet er 1.6.2022.

Det vart halde ekstraordinært politirådsmøte 04.05.22 der denne høyringa var tema. Kommunane Solund, Gulen, Masfjorden, Austrheim, Fedje og Alver deltok. Politiet orienterte m.a. om bemanningssituasjonen og utfordringar rundt organisering med 2 dagspatruljer der det med eit stort distrikt og by som nabo ofte vert ein kamp om ressursar. Politiet meinte at mykje av innhaldet i denne Kvalitetsreformen var innfridd. Å styrke beredskapen i distriktet har dei imidlertid ikkje lukkast med.

Kommunane delte sine erfaringar og utveksla tankar om kva som var dei naturlege innspela i eit høyringssvar.

Saksvurdering og konklusjon:

Justis- og beredskapsministeren ber om svar frå kommunane på fylgjande spørsmål;

1. Hvilke utfordringer mener dere kommunen vil stå overfor innenfor områdene forebygging, beredskap og sivile tjenester de neste årene?

Svar: Me ser at det er klare utfordringar knytt til beredskapen i vår region: Sentralisering av tenestene inneber at kommunane lokalt må ta større ansvar – overta meir i faktiske hendingar. Kommunen har brannmannskap med First Responder helsekunnskap. Det er viktig at dette ikkje vert ei kvilepute for politiet/andre etatar.

Det er ei utfordring for kommunen at mykje ressursar frå Alver og nabokommunane vert slusa inn mot Åsane/Bergen. Avstandar i distrikta vert undervurdert og det får konsekvensar i form av manglande flåtestyring og igjen svekka beredskap.

2. Er kommunen tilfreds med politiets bemanningsutvikling, tjenestestedstruktur og tjenestetilbud? Hvis ikke, hva er årsakene?

Svar: Som skildra over er kommunen ikkje nøgd med utviklinga. I hendingar i ytre deler av kommunen/hos nabokommunar, er det kommunen sin erfaring at politiet for ofte kjem sist på skadestaden. Avstandar i distriktet vert ofte undervurdert. Tilstrekkeleg ressursar må knytast til kontor i Knarvik/Alver, slik at me oppnår kortare responstid frå politiet. Viktig at polititjenestemennene har lokalkunnskap.

3. Både kommunen og politiet har ansvar for å sikre innbyggernes trygghet og gode tjenester. Hvordan kan polititjenestene og samarbeidet mellom kommunen, politiet og ev. andre lokale aktører

som nabokommuner og fylket videreutvikles for å sikre dette? Hvilke ressurser ser kommunen for seg at de kan avsette til videreutvikling av samarbeidet om å sikre innbyggernes trygghet?

Svar: Kommunen har ressursar og prioriterer dette arbeidet innanfor eit breitt fagspekter. Me er budd på eit endå tettare samarbeid med politiet for å sikre innbyggerane sin tryggleik. Me som kommune er nøgd med samarbeidet med lokal politikontakt. Me opplever at politiet og lokal politikontakt leverer på det som gjeld samarbeid på dei faste, avtalte arenaer t.d. førebyggjande arbeid knytt til skular.

4. Hva er ønsket utvikling når det gjelder tilgjengeligheten til politiets tjenester? - Via et tjenestested i politiet? - Via fysisk tilstedeværelse annet sted enn på et tjenestested? - Via fysisk oppmøte? - Via telefon? – Via internett?

Svar: Ein kombinasjon er naturleg. Det er forventa at sivile publikumstenester i større grad skal løysast digitalt. Lokal tilstedeværelse er likevel svært viktig. Politiet må vere meir synleg. Det skaper trygghet i lokalsamfunnet. Viktig med lokalkunnskap og forståing hjå operasjonssentralen slik at Alver/Nordhordland ikkje vert tappa for ressursar. Erfaringsmessig er det mykje flåtestyring mot Bergen – gjer at utrykkingstida aukar i distriktet.

5. Ønsker kommunen et nytt tjenestested i politiet? Hvis ja, kan kommunen tilby lokaler, for eksempel samlokalisering med andre kommunale tjenester?

Alver kommune er godt nøgd med valet av Knarvik som tenestestad.